

肝
胆
部



杭州圖書館



大法

戒無已云眩者非眩而見其眩謂眼黑眩也運者運為運轉之運世謂之頭旋是也

內經論眩皆屬肝木屬上虛丹溪論眩主於補虛治痰降火仲景治眩亦以痰飲為先也

肝木作眩
諸風掉眩皆屬於肝全文見

河掉搖也眩昏亂旋運也風主動故也所謂風氣動而頭目眩運者由風木旺必是金衰不能制木而木復生火風火皆屬陽多為兼化陽主乎動兩動相搏則頭目為之眩運而旋轉故火本動也燭得風則自旋轉人或乘舟車及作環舞而眩運者其動不止而左右紆曲故經曰曲直動搖風之用也眩運而嘔吐者風熱甚故也

醫學綱目卷二

狗蒙招尤目瞑耳聾下實上虛過在足少陽厥陰甚則入

肝全文見治虛實法

不
治肝厥頭暈清頭目釣藤散

釣藤 陳皮 半夏 麥門冬

茯苓各半 石膏 人參 甘菊

防風各半 甘草分

右為倉末每服四錢水一鍾半生薑七片前室八分溫服

服

治肝厥狀如癰疾不醒嘔吐醒後頭虛運發熱方

麻黃 釣藤皮 石膏 乾葛

半夏麩 柴胡 甘草 枳殼

甘菊

右為倉末每服四錢水一鍾半生薑三片棗一枚同煎

至八分去查溫服

婦人患頭風者十居其半每發必掉眩如在車上蓋因血虛肝有風邪熱故耳素問云狗蒙招搖目眩耳聾上虛下實過在足少陽厥陰甚則歸肝蓋謂此也余常取此方以授人比他藥捷而效速苦勞散

川芎

兩

當歸

羌活

旋覆花

蔓荊子

細辛

石膏

藁本

荊芥穗

半夏麴

防風

熟地

甘草

各半兩

右爲末每服三錢水一大鍾生薑二片同煎至七分去查溫服不拘時服

右甘寒瀉風木

羅風痰治驗 叅政楊公七旬有二有風痰於至元戊辰

一醫學綱目卷十一

二

春忽病頭旋眼黑目不見物心神煩亂兀兀欲吐復不吐心中如懊懣之狀頭偏痛微腫面赤色腮頰亦赤色足胛冷命予治之余料之此少壯之時喜飲酒久積濕熱於內風痰內作上熱下寒是陰陽不得交通否之象也經云治熱以寒雖良工不敢廢其繩墨而更其道也然而病有遠近治有輕重叅政今年高氣弱上熱雖盛豈敢用寒涼之劑損其脾胃經云熱則砭之又云高巔之上射而取之余以三稜針約二十處刺之其血紫黑如露珠之狀少頃頭目便覺清利諸症悉減遂處方云眼黑頭旋虛風內作非天麻不能除天麻苗謂之定風草此草獨不爲風所搖故以爲君偏頭痛者乃少陽也非柴胡黃芩酒製不能治黃連苦寒酒炒以治上熱又爲因用故以爲臣橘皮苦辛溫炙甘草甘溫補中益氣爲佐生薑半夏辛溫能治風痰茯

芩、甘草利小便導濕熱引而下行故以為使服之數劑邪氣平生氣復而安矣

天麻半夏湯治風痰內作胸膈不利頭旋眼黑兀兀欲吐上熱下寒不得安臥

天麻 半夏各乙 橘皮 去白 柴胡 七分

黃芩 酒浸 甘草 炙 白茯苓 去皮 前胡 各五分

黃連 三分

右咬咀作一服水二鍾薑三片煎至一鍾溫服食後忌酒麪生冷物

珣羌活湯治風熱壅盛上攻頭目昏眩

羌活 防風 黃芩 各乙兩 柴胡 七錢

黃連 酒炙 黃柏 酒炒 瓜蒌 酒洗 甘草 炙

白茯苓 五錢 澤瀉 六錢

一入 醫學綱目卷上

三

右為釐末每服五錢水煎取清食後或先臥通口熱服之日二服

右苦寒瀉風木

外感風邪眩

靈筋骨血氣之精而與脉并為目系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則引目系急目系急則目眩以轉矣 大惑

本治一切頭旋本因體虛風邪乘於陽明經上注頭面遂入於腦亦因痰水在於胸膈上犯大寒使陽氣不行痰水結聚上衝於頭目令頭轉旋矜羊角散

矜羊角 茯神 各一兩 芫蕪 防風

白芷 半夏 湯洗七次 枳殼 附子 各一分

甘草 三錢

右為麓末每服四錢水一鍾半生薑五分慢火煎至七
分去查不拘時候溫服

百一都梁丸治風吹項背頭目昏黑眩痛

香白芷大塊者用沸湯泡洗四五次焙乾

右為末煉蜜為丸如彈子大每服一丸細嚼用荊芥湯

點茶下

無大豆紫湯治中風頭眩惡風自吐冷水有汗方見症門

聖治風頭旋用蟬殼二兩微炒為末非時下溫酒一鍾七

上虛眩針經胃風篇云上虛則眩又五臟生成篇云狗蒙招尤目

昏冒搖掉眼黑眩屬下實上虛也

丹陳客婦人近五十頭痛麻木眩運脉甚虛宜補氣益血

去風行濕

醫學綱目卷十

四

天麻酒乙人參錢半白朮錢一黃芩錢半

歸身尾酒半川芎錢半陳皮錢半甘草分三

黃芪分三半夏分五生薑片三

右作一劑水煎服

賈舅因勞役眼眩倦怠頭不爽肚帶溇滑

黃芪錢半人參錢半當歸錢一黃柏炒三分

白朮酒浸陳皮錢半蔓荊子五粒甘草些

煎稍熱飲之丑卯時各一次去枕眠少時巳申時又各

一次瘥

男子因作勞成病發熱脚酸口苦頭暈

白朮 茯苓 黃連 川芎半兩

白芍藥 人參 生地 陳皮

當歸各一兩 甘草錢一 杜仲炒六兩

分十八貼食前熱下抑青九二十二粒

丈夫患熱頭眩脉大而散此是辛苦中來

陳皮錢三

柴胡錢三

人參錢二

白木錢二

黃芪錢三

木通錢一

甘草些

分三貼服

本治風眩頭運川芎散

山茱萸兩一

山藥

甘菊花

人參

川芎各半兩

茯神兩半

為末每服二錢酒調下不拘時候日三服不可悞用野

菊花

血虛眩

三因芎歸湯治產後去血過多眩暈不省及傷胎去血多崩中去血多金瘡去血多拔牙齒去血多不止懸虛心煩

眩暈頭重目暗舉頭欲倒方見婦人大法餘

補虛眩
火治痰

丹頭眩屬氣虛挾痰無痰作眩不得治痰為主挾補氣藥

醫學綱目卷五

五

并降火藥濕痰多者用二陳湯痰多因火動者二陳湯

加酒苓眩運火動其痰二陳湯加黃芩蒼朮羌活散風行

濕水煮金花丸治頭眩方見痰飲

丹眩暈不可當者大黃三次酒炒乾為末茶調下每服一

錢至二錢一男子年七十九歲頭目昏眩而重手足無

力吐痰口口相續左手脉散大而緩右手緩而脉大不及

於左重按皆無力飲食畧減而微渴大便三四日一行衆

人皆與風藥至春深必死予曰此皆大虛證當以補藥作

大劑服之衆怒而去余教用人參黃芪當歸身芍藥白朮

陳皮濃煎作湯使下連栢丸三十粒如此者服一年半而

精力如少壯時連栢丸冬加乾薑少許餘三時皆依本法

連栢皆薑汁炒為細末又以薑汁煮糊為丸

本治虛風頭旋吐痰涎不已養正丹

黑鉛

水銀

硃黃

硃砂各一兩

右用鐵盞一隻火上澀鉛成汁次下水銀用柳杖子打勻取下放少時下二味末令冷研為粉用米飲丸或用棗肉丸如梧子大每服三十九鹽湯下

此藥升降陰陽補接真氣非止頭旋而已

虛者宜補中

垣范天駮之內素有脾胃之病時顯煩躁胃中不利大便不通初冬出外而晚歸為寒氣怫鬱悶亂大作久不得伸

故也醫疑有熱治以踈風丸大便秘行而病不減又疑藥力少復加七八十九下兩行前症仍不減復添吐逆食不能停痰唾稠粘湧出不止眼黑頭旋惡心煩悶氣短促上喘無力不欲言心神顛倒兀兀不止目不敢開如在風雲中頭苦痛如裂身重如山四肢厥冷不得安臥予謂前症乃胃氣已損復下兩次則重損其胃而痰厥頭痛作矣製半

八 醫學綱目卷二

六

夏白木天麻湯治之而愈

天麻分五

半夏湯洗一錢半

人參分五

白木一錢

蒼朮分五

橘皮

黃芪

澤瀉

白茯苓各五分

神麴一錢炒

大麥蘖一錢半

乾薑分三

黃柏分二

右件咬咀每服半兩水二盞煎至一盞去渣帶熱服食前此頭痛甚謂之足太陰痰厥頭疼非半夏不能療眼黑頭旋風虛內作非天麻不能除其苗為定風草亦治內風之神藥也內風者虛風是也黃芪甘溫瀉火補元氣人參甘溫瀉火補中益氣二朮俱甘苦溫除濕補中益氣澤瀉茯苓利小便導濕橘皮苦溫益氣調中升陽神麴消食蕩胃中滯氣大麥蘖寬中助胃氣乾薑辛熱以滌中寒黃柏苦大寒酒洗以主冬天少火在泉發

躁也

右氣虛挾痰眩暈余嘗治一人臥則稍輕但舉足則頭旋眼黑以天麻半夏茯苓陳皮白附僵蚕參芪草歸生薑黃芩煎湯服之五六日愈蓋做此方加減之也

濟芎朮湯治胃中濕痰眩暈嘔逆頭重不食

川芎

半夏酒洗

白朮各一兩

甘草炙半兩

右咬咀每服四錢水一盞生薑七片煎服不拘時有附子桂心無半夏

無半夏

蠶旋覆花湯治中脘伏痰嘔逆眩暈

旋覆花

半夏

橘紅

乾薑各一兩

枳榔

人參

甘草

白朮各半兩

右剉碎每服一兩薑水煎服

仲卒嘔吐心下痞膈間有水眩悸者半夏加茯苓湯主之

醫學綱目卷十一

七

方見嘔吐假令瘦人臍下有悸吐涎沫而頭眩此水也五苓散主之方見傷寒

散主之傷寒

子和青黛散搐鼻取涎治眩神效方見頭痛

頭風眩暈可用獨聖散吐之吐訖可用清上辛涼之藥防風通聖散加半夏等味仲景云此痰結胸中而致也通聖見

獨聖散

瓜蒂不以多少

鬱金各等分

吐

右為細末每服一錢或二錢薑汁調下服之用鷄翎探

河間搜風丸治邪氣上逆風熱上攻頭目眩暈大小便結

滯

大小便滯者微利之

人參

茯苓

滑石

藿香

二錢

悸者煎行水

痰閉不出者吐之

乾姜

白礬生各一兩

蛤粉兩

南星

大黃

黃芩各二兩

牽牛兩

薄荷兩

半夏一兩

寒水石兩

右為末滴水丸小豆大每十九生薑湯下加至二十九日三服

益精氣
白朮二兩附子一兩半甘草一兩
白朮二兩附子一兩半甘草一兩

右三味剉每五錢薑五片棗一枚水鍾半煎至七分去查溫服

本治體虛有風外受虛濕身如在空中二生散

生附子去皮生南星各等分

醫學綱目卷二

八

八分去查服戊午年予在新安有此疾名醫傳授此方

三服愈

仲心下有支飲其人苦冒眩澤瀉白朮主之短氣衝息形如腫為支飲

用澤瀉五兩白朮二兩以水二升煮一升分溫再服

倚息形腫者利濕
運氣運氣眩有二

一曰風助肝盛眩經云厥陰司天之政風行太虛雲物搖動目轉耳鳴三之氣風乃時舉民病掉眩又云厥陰司天客勝則耳鳴掉眩又云厥陰之勝耳鳴頭眩又云厥陰之復筋骨掉眩治以諸涼是也

二曰濕邪傷腎眩經云太陰司天濕淫所勝頭項腰背痛而眩治以苦熱是也

雜方
河神妙散搐鼻治頭目昏眩偏正頭痛方見頭痛門
銜灸腦為髓之海其輪上在於其蓋下在風府髓海不足則腦

轉耳鳴脛痠眩冒目無所見全文見針灸蓋者百會穴也

上氣不足頭為之苦傾目為之眩補足外踝下雷之全文見針灸

邪在腎肩背頭項痛時眩取湧泉崑崙視有血者盡取針灸

之全文見

怪穴 頭目眩運 至陰

標 金門 申脉

桑 風池 神庭內風池 通玄詞 金門 滿 三里 補

心頭暈怕寒些少風寒則目暗殭仆不分冬夏常用綿帽

包日夜不離一去帽即發 百會 惺惺乙分恐 風池

二寸半主 豐隆半

桑頭熱 上顛 風門 攢竹 百會

甲風眩善嘔煩滿神庭主之如顏色青者上星主之取上

星者先取諛譎後取天牖風池如頭痛顏青者顛會主之

入醫學綱目卷上

九

風眩引領痛上星主之先取諛譎後取天牖風池 風

眩目瞑惡風寒面赤腫前項主之 風眩目眩顛上痛後

項主之 風眩驚手脛痛泄風汗出至腰陽谷主之 腦

風目瞑頭痛風眩目痛腦空主之 風逆暴四肢腫濕則

喑然寒飢則煩心飽則眩大都主之 頭眩目痛至陰主

之 卬左手脉數熱多 脉澁有死血 右手脉實痰積 脉

大心有久病

癩癩

癩癩即頭眩也痰在膈間則眩微不仆痰溢膈上則眩甚

仆倒於地而不知人名之曰癩癩徐嗣伯云大人曰癩小

兒曰癩其實一疾也然與中風中寒中暑尸厥等仆倒不

同凡癩癩仆時口中作聲將省時吐涎沫省後又復發時

診

作時止而不休息中風中寒中暑尸厥之類則仆時無聲省時無涎沫者後不復再發間有發者亦如癲癇之常法也

大法

丑癲屬驚與痰宜吐 大率行痰為主 黃芩 黃連

瓜蒌 半夏 南星 尋火尋痰分多少治之無有不愈

分痰與熱有熱以涼藥清其心 有痰必用吐藥吐後

用東垣安神丸 此證必用吐吐後用平肝之藥青黛柴

胡川芎之類

海治長洪伏三脉風癲驚癇發狂惡人與火者灸第三椎

第九椎服局方妙香丸以針穿一眼子透冷水內浸少時

服之如本方若治弦細緩三脉諸癲似狂者李河南五生

丸妙香丸方見虛煩條

上實

氣亂于頭則為厥逆頭重眩仆全文見針灸

邪搏陽則為癲

大醫子綱卷上

疾見診法下同針經九針云邪入於陽轉為癲疾厥氣上厥成爲癲疾厥氣上逆也

素帝曰至而有病癲疾者病名曰何安所得之岐伯曰

病名爲胎病此得之在母腹中時其母有所大驚氣上而

不下精氣并居故令子發爲癲疾奇病論

凡癲癇及中風中寒中暑中濕氣厥尸厥而昏眩倒仆不

省人事者皆由邪氣逆上陽分而亂於頭中也癲癇者痰

邪逆上也中風寒暑濕及氣厥尸厥者亦風寒暑濕等邪

氣逆上也邪氣逆上則頭中氣亂頭中氣亂則脉道閉塞

孔竅不通故耳不聞聲目不識人而昏眩無知仆倒於地

也以其病在頭顛故曰癲疾治之者或吐痰而就高越之

或鎮墜痰而從高抑之或內消痰邪使氣不逆或隨風寒

暑濕之法用輕劑發散上焦或針灸頭中脉絡而導其氣

皆可使頭顛脉道流通孔竅開發而不致昏眩也是知癲

高者因
而越之

癩之癩與厥成癩疾眩冒癩疾之巔一疾也王太僕設分
癩為二疾獨孫真人始能一之今特冠此氣亂頭巔等經
文於癩癩篇首使人知疾有所歸而治有所據也

局碧霞丹治五癩疾

方見虛
寶門

世治暗風天麻南星半夏僵蚕白附子防風各半兩白礬
二兩用木瓜一箇切去頂取穰納前藥末用原頂覆住麩
包煨熟就搗如泥為丸又用皂角二寸敲細酒半盞浸一
宿如發時取前藥一十九粒納口中用酒灌下取出痰即
愈自省後日服三十粒薑湯下

治風癩及心風病用皂角三挺搥破濾汁熬如稀糊攤紙
上晒乾取兩葉如小錢大用溫漿水浸洗去紙注於兩鼻
孔各一規殼許須臾涎下咬筋瀝盡涎後服祛痰丸

代赭石生一兩 白礬生二兩

上者抑
之行之

入醫學綱卷二

七

右為細末稀糊為丸如梧子大每服三十丸冷水送下
不拘時

仰風引湯治癩疾瘰癧方見後

無礬丹丸治五癩百癩無問陰陽冷熱

號丹 晉礬各一兩

右用墼鑿一窠可容二兩許先安丹在下次安礬在上
以炭五斤熾令炭盡取出細研以不經水猪心血為丸
如菴荳大每服十九丸至二十九丸橘皮湯下

心血少
者益之

世治暗風遠年日久不愈皆可服用地黃廣南道地者不
計多少火煨醋焯七次為細末每服二錢溫酒調下年深
者亦治

羅參硃丸治風癩大有神效

人參 蛤粉 硃砂各等分

右為細末獾猪心血為丸如梧子大每服三十九金銀
花湯下食遠服

神應丹治諸癩用好辰砂不拘多少為細末用猪心血和
之得所以蒸餅裹蒸取出就熟丸如梧子大每服一丸食
遠臥時煎人參湯下大有神效

琥珀壽星丸

天南星一斤掘坑二尺深用木炭五斤煨熟取出出炭
用好酒一升潑之將南星趁熱下坑用盆蓋
訖合過一宿取出 琥珀四兩 硃砂二兩一兩為
出再焙乾為末 入藥

猪心三箇取血另打生薑麩糊攪令稠粘將猪心血和
入藥末丸如梧子大每服五十九煎人參湯空心送下

日進三服

痰迷心
寢者開

世蜜陀僧散治暗風取蜜陀僧成塊者以鐵線纏又用鐵
線懸掛火煨紅用酒醋一升焯盡出火毒研極細每服一

不醫學綱目卷五

五

錢麝香酒調下 治癩疾凌霄花一味為細末每三錢空
心酒調服每服藥時以木梳不住手梳其髮又用冷水一
碗逐口含之水温則換水盡住梳如此四十九日永絕其
根

楊氏家藏五癩丸治癩癩發作不問新久並宜服之

天南星泡一宿去 烏蛇肉酒浸一宿去 硃砂二錢半

全蝎二錢去毒炒 半夏二兩酒洗焙 雄黃一錢半另研 蜈蚣半條去頭足炙

白附子半兩泡 白僵蠶一兩半炒去絲 麝香三錢另研

白礬一兩 皂角四兩擬碎水半升搥

右為末薑汁煮麩麩糊丸如梧子大每服三十九薑湯下

丹治癩疾

川芎二兩 防風 猪牙皂角 鬱金

明礬各一兩 蜈蚣一條

右細末蒸餅丸如梧子大空心清茶下十五九一日除根

羅治癩病心風病用天南星九蒸九曝為末生薑汁打糊為丸如梧子大每服二十九煎人參麥門冬葛蒲湯下亦可

風木

素春脉者肝也春脉太過為病在外善怒忽眩冒而癩

疾全文見治法脉來
疾發實而強為太過

歲木太過甚則忽怒善怒眩冒而

癩疾全文見運
氣類註

丹治巡檢夫人癩通聖散二錢半薑三片煎下犀角丸三

十粒

保防風通聖散

防風

川芎

當歸

芍藥

大黃

芒硝

連翹

薄荷

醫學綱目卷十一

主

麻黃

不去節
各五錢桔梗

黃芩

石膏

白朮

山梔

荆芥穗

各二錢
滑石三錢半

甘草

兩

右為籠末每服一兩生薑煎溫服日再服

若勞汗當風寒薄為皴鬱乃瘕此勞汗出於玄府脂液所凝去芒硝倍加芍藥當歸發散玄府之風當調其榮

衛 俗云風刺或生癩疹或赤或白倍加麻黃鹽豉芬

白出其汗麻黃去節亦去芒硝以醎走血而內凝故不

用之發汗罷依前方中加四物湯黃連解毒三藥合而

飲之日二服故內經曰以苦發之為熱在肌表連內也

小便淋閉去麻黃加滑石連翹煎藥中調木香末一錢

七麻黃主於表而不主於裏故去之 腰脇走注疼痛

者加硝石當歸甘草一服各二錢調車前子末海金沙

末各一錢故經曰腰者腎之府 破傷風者如在表則
辛以散之在裏則苦以下之 蕪散之汗下後通利榮血
祛逐風邪每一兩加荆芥穗大黃各二錢調全蝎末一
錢羌活末一錢 諸風癩瘡小兒急慢驚風大便秘結
邪熱暴甚腸胃乾燥寢汗咬牙上竄睡語筋轉驚悸肌
肉蠕動每一兩加大黃二錢梔子二錢茯苓末二錢七
如肌肉蠕動者調羌活末一錢經曰肌肉蠕動命曰微
風 風傷於肺咳嗽喘急者每一兩加半夏桔梗紫菀
各二錢 如打撲傷損肢節疼痛腹中惡血不下每一
兩加當歸大黃各三錢半調沒藥乳香末各二錢 解
利四時傷寒內外所傷每一兩加益元散一兩芩白十
莖鹽豉一合生薑半兩水一碗同煎至五七沸或煎一
小碗溫冷服一半以筋投之即吐吐罷後服一半稍熱

服汗出立解 如飲酒中風身熱頭痛如破者加黃連
鬚二錢芩白十莖依法立愈慎勿用桂枝麻黃湯解之
頭旋腦熱鼻塞濁涕時下每一兩加黃連薄荷各二錢
半內經曰瞻移熱於腦則辛頰鼻淵者濁涕下不
已王註曰膽液不澄則為濁涕不已如水泉者故曰鼻
淵也此為足太陽脉與陽明脉俱盛也如氣逆者調木
香末一錢

脉滿大為熱

素心脉滿大癩瘕筋

仲風引湯除熱癩癩又治大人風引少小驚癩瘕癡日數
十發醫所不療又治脚風

- | | | | |
|-----|-------|-------|-------|
| 大黃 | 龍骨 | 乾薑各四兩 | 桂枝三兩 |
| 甘草 | 牡蠣各二兩 | 寒水石 | 滑石 |
| 赤石脂 | 白石脂 | 紫石英 | 石膏各六兩 |

右十二味杵瓮末篩以葦囊盛之取三指撮井花水三升煮三沸溫服一升治風熱痲痺食後量多

河犀角丸治風癩癩發作有時揚手擲足口吐痰涎不省人事暗倒屈伸

犀角末兩半 赤石脂兩 朴硝兩 白僵蚕兩一

薄荷葉兩一

右為末麩糊丸如梧子大每服二十九至三十九溫水下日三服不拘時候如覺痲多即減數忌油膩炙煨

龍腦安神丸治男婦五種癩癩無問遠年近日發作無時

茯苓去皮取末三兩 人參去蘆 地骨皮 甘草

麥門冬去心各兩 龍腦三錢 牛黃半兩

硃砂二錢 桑白皮兩一 馬牙硝二錢 麝香三錢

烏犀角末兩一 金薄五十片

醫學綱卷二 五

右十三味煉蜜為丸如彈子大金薄為衣冬月溫水化

下夏月涼水又治虛勞發熱咳嗽語澁舌強日進三服

靈肝脉小急癩癯筋攣王註云肝養筋藏血肝氣受寒故癩癯筋攣 二陰急

為癩厥上 肺脉急甚為癩疾 腎脉急甚為骨癩疾澗

法實

羅沉香天麻湯治癩癯瘰癧筋攣方見小

珠子辰砂丹治風癩久不愈者

薯蕷 人參 遠志 防風

紫石英 茯神 虎骨 虎睛

龍腦 五味子 石菖蒲 丹參

細辛各二錢半 珠子末四錢

右件為細末麩糊為丸如梧子大用硃砂二錢研細為

衣每服三十五丸煎金銀花湯送下日進三服忌魚肉

肺小急為寒

濕麪動風之物

烏頭丸治五風癰病

川烏

草烏

天仙子

五靈脂各二兩

黑荳升

右為細末滴水和丸如梧子大每服五七丸溫水下如中風加附子半兩

實

子和昔項開完顏氏病搐先右臂并右足約搐六七十數良久左臂并左足亦搐六七十數不瘥兩目直視昏瞶不識人幾月餘求治於余先涌其寒痰三四升次用導水禹功散泄二十餘行次服通聖散辛涼之劑不數日而瘥

羅法黃草麻子治諸癰病不問年深日遠

草麻子去皮版仁二兩

黃連去鬚對如壹大一兩

右件用銀器水一大碗慢火熬水盡即添水熬三日兩

八醫學綱目卷二

十六

虛

夜為度取出去黃連只用草麻子仁風乾不得見日用竹刀將草麻子每粒切作四塊每次服五粒計二十塊作一服用荊芥湯食後溫服服草麻子仁者終身忌食並犯之則腹脹而死

并治一婦人四十五歲生子多觸胎時有腹痛每夜喜飲

酒三盞即睡其天性暴而諧謔所以借酒解愁忽九月望

後癰病大作目上視揚手擲足甚強健舉體大筋皆動喉

嚮如鋸涎沫流口兩角如此一時辰許諸症皆靜狀如熟

寢全不知人半時小腹漸痛上至心痛大作汗如雨自頭

至乳而止如此半時痛漸減汗亦收痛作時却自言其痛

其餘言語皆謬誤問亦不荅亦不知人痛定又熟寢如前

癰與痛間作晝夜不息經兩宿方召予脉之痛作時脉四

至半似弦非弦左弱於右予未敢與藥候癰作時再看形

脉後作時六脉皆隱但有筋轉於指下眼白青而面不

青手之動三倍於足予問之痛作時必欲重按比癩作時汗必不出其夫言果然予曰此非死證若尙能嚙藥則易治試以調香附子末灌之適癩勢稍定却嚙得半盞令急燒竹瀝未就時痛大作余以肝有怒邪因血少而氣獨行所以脾受病肺胃之間舊有酒痰爲肝氣所抑鬱而爲痛然酒喜動可以出入升降入內則痛出外則癩當乘其入內之時急爲點大敦行間中腕三處穴今分頭同時下火灸之是上艾火少灸先了腹上痛漸下至腰而止熟寢少時癩作如前證減半又以竹瀝入少薑汁灌下大半鍾灌時適值癩定但熟寐如前自是不省人事一晝二夜皆已棄之余曉之曰身不發熱因痛則汗出大便不通者五六日自予來亦未見其小水非死症當是血少無神而昏耳爾爲痛搯人中俄而呻吟急以人參湯同竹瀝灌之又昏

睡如前余教以作人參白朮膏入竹瀝調下如此二晝夜凡人參一斤白朮二斤眼忽能開手能舉自言胃膈滿而舉身皆痛耳目仍未有聞見忽自溺床甚多余聞之甚喜且得癩與痛皆不作但教令用陳皮芍藥甘草川芎湯調參朮膏又加竹瀝飲之余欲往他處且與脉之聞其作聲余自知謬拙不教以粥與藥間服急令作稀粥與之止嚙得三四匙牙禁不受余遂以木楔幹開以稀粥入藥湯又與竹瀝同灌一大鍾蓋是粥多而藥居三之一予遂出門教令粥藥相間與之予在二十里外未申間天大風作予料此婦癩必作特往視之癩不作而痛作脉去來急無次急爲灸然谷太衝巨闕灸罷痛定問其要粥否答曰我正飢其夫飲之以粥嚙兩鍾予乃往他處仍教以藥湯調參朮膏竹瀝與粥間與之如前第二夜半時召予甚急往

視之癩病大作奪手不能診脉令人扶定兩時予捉其中指強而脉之四至半龕大有力左右同而右少緩口妄言而無次又怒罵人眼上視不瞬而嘔又欲起走其狀若有所憑然予捉定兩手為灸兩大指背半甲半肉際各三壯怒狀稍殺求免索燭視之耳目仍未有聞見昏寐至夜半狂怒大作且言鬼怪之事而師巫至大罵巫者予靜思之氣因血虛亦從而虛邪因入理或有之且與補藥血氣若克邪當自退仍與前藥又恐痰頑佐以荆瀝又以秦承祖灸鬼法灸之哀告我我去昏睡一晝夜忽自起坐索粥其夫與之方問夫你面垢如許惟床上有香氣繼又無所知識惟開眼不睡手足雖能運動却作尋環態如此又二晝夜粥食稍加又瀉床多如前予益喜仍守前藥予又往他處次日晚忽來召予急往視之病人自言渾身皆痛脉之

皆五至左右均而和曰參朮膏俱盡遂教令就與前藥中加參朮煎去荆瀝加香附末與一服覺甚快余且令守此藥至次夜半又來告急曰前痛大作往視之坐桶上叫聲甚高予思之此虛病亦多汗腸燥而糞難耳痛當在小腹與腰急烘琥珀膏大者貼小腹仍教以執手摩腰腎間連得下氣而痛減就睡少時又起如是者五六次一醫者勸令用通利藥予曰痛與死孰為輕重且堅忍至夜半後當自通又往他處至四更來告急往視之痛大作予令坐以溫湯中當自下換湯痛定覺甚快第二桶湯下結糞二塊就睡天明予又往他處至晚又告急予視痛大作連及兩脇手不可近予思之此痛無因若結糞未盡痛當在下今痛在上必因食多問之果然醫者欲用感應丸予教勿與粥藥病者力索藥遂以香附末令舐之至夜半痛漸減天

明覺畧飢索粥予曰非飢也乃嚙耳勿與而自安其家又
自與粥至辰已間予往他處至晚痛又作而病者索香附
末不已遂以湯調半碗與之探令吐猶有宿食痛遂止予
又往他處至夜半又告痛復作詢之以醋拌蘿蔔苗啣粥
又以香附末探吐之痛定教令一晝夜勿與食至次日少
與淡粥覺飢時以陳皮湯下白朮丸如此調理自安
痰癩癩治法並見上虛條

久痢為
痰積

瀉治風癩病久不能愈者從厚朴丸春秋加添外又於每

一料中加人參菖蒲茯苓各一兩五錢和劑服之厚朴丸
方見前

陰陽

垣升陽湯治陽躄足太陽下行宜升陽氣

麻黃八錢不
去節羌活半兩

防風根八錢炙甘草五錢

右咬咀每服三錢水五大盞煎至一盞去渣稍熱服宿

醫學綱目卷二

七

食消盡腹中空服之後避風寒一二時辰乃效

瀉書發治陽躄申脉二穴在足外踝下陷中容爪甲白肉

際是也夜發治陰躄照海二穴在足內踝下陷中是也先

灸兩躄各二七壯然後服前藥

子治百病風癩用麻仁四升水六升猛火煮令芽生去查

煎取七合旦空心服或發或不發或多狂語勿恠之但令

入摩手足須臾即定凡進三劑無不愈

羅神應丹治諸風心癩病

狐肝一具

烏鴉一隻

鴟梟一隻

白礬一兩

野狸一箇

去肚腸不用皮毛用
新瓦罐盛肉以炭火煮爛

生犀角末一兩

右為末用酒打麩糊為丸如皂子大硃砂為衣每服一

丸酒送下不拘時候

楊氏蝎虎治癩法見小兒驚癩門妙

靈暴擊癩眩足不任身取天柱

氣亂於頭則為厥逆頭重眩仆取之天柱天杼不知取太陽榮輸於此義同

癩疾始生先不樂頭重痛視舉目赤甚作極已而煩心候

之于顏取手太陽陽明太陰血變而止 癩疾始作而引

口啼呼喘悸者候之手陽明太陽左強者攻其右右強者

攻其左血變而止 癩疾始作先反僵因而脊痛乃候之

太陽陽明太陰手太陰血變而止 俱出癩狂篇

注癩凡灸癩必先下之乃可灸不 然則氣不通能殺人針不抽 鳩尾 必高千乃可下

可多壯多則 今人健忘

通 後谿

集 鳩尾 湧泉 心膕

桑 陽交 三里 後谿 太衝 間使

大醫學綱目卷二

摘風癩熱病心風驚癩 上脘 三里

桑天吊 巨闕 百會 顛門

東癩 平旦發者足少陽 晨朝發者足厥陰 日中發

者足太陽 黃昏發者足太陰 人定發者足陽明 半

夜發者足少陰 心癩面赤心下熱短氣喘息 巨缺 灸

此 肝癩面青及視手足搖動 丘墟 中封 脾

癩面黃腹大善利 胃脘并脘傍一寸各三壯 衝陽

隱白 肺癩面白口吐沫 肺膕 少商 少陽 各三壯

腎癩面黑正直視身不搖如尸厥 金戶 少海 至陰

湧泉 各三壯 膈癩四肢不舉 風府 七壯 百會

人中 承漿 各隨 腸癩都無動靜如尸厥狀 承山

湧泉 勞宮 翳風 各隨年壯

馬癩目張搖頭馬鳴欲反折 風府 三壯 神關

牛癩目直視腹滿 鳩尾尖壯 大椎壯

羊癩揚目吐舌 大椎壯

猪癩吐濁沫口動搖 浮白壯

犬癩手屈拳攣 勞宮壯 絲竹空 肋戶各一

鷄癩搖頭反折善驚目搖 至陰 竅陰 厲兌壯

甲癩疾多言耳鳴目僻頰腫實則聾齒喉痺不能言齒痛

卓軌衄虛則痺膈偏歷主之 癩疾吐舌鼓頰狂言見鬼

溫溜主之 癩疾吐舌曲池主之 癩疾互引僵仆

申脉主之 先取陰踳後取京骨 癩疾狂妄狂振寒京骨

主之 癩疾身痛狂善行束骨主之 癩疾僵仆轉筋傑

參主之 癩疾目眈眈軌衄崑崙主之 狂癩疾體痛飛

揚主之 癩疾反折委中主之 癩疾憎風而振寒不得

入醫學綱目卷二 三

言得寒益甚身熱狂走欲自殺目反妄見瘕瘕泣出死不

知人肺膈主之 癩狂膈膈及肝膈主之 癩疾僵仆目

妄見恍惚不樂狂走瘕瘕絡都主之 癩疾互引及折戴

眼及眩狂走不得臥心中煩攢竹主之 癩疾發寒熱大

煩滿悲泣出解谿主之 癩疾互引口喎喘悸者大迎主

之取手陽明太陰變血而止 癩疾狂多食喜咲不發於

外煩心渴商丘主之 癩疾嘔沫神庭及兌端承漿主之

其不嘔沫本神及百會後頂玉枕天衝大杼曲骨尺澤陽

谿外丘當上腕傍五分通谷金門承筋合陽主之 委中

陽 癩疾互引水溝及斷交主之 癩疾上星主之先取

噫嘻後取天牖風池 癩疾嘔沫暫起僵仆惡見風寒面

赤腫頰會主之 癩疾瘕瘕狂走頸項痛後頂主之 後頂

會後一分 癩疾狂走瘕瘕搖頭口喎戾頸強強間主之 在百

癩疾骨瘦眩狂痰癩口噤羊鳴刺腦戶 狂易多言不休
及狂走欲自殺目反妄見刺風府 癩疾怒欲殺人身柱
主之 狂走癩疾脊急強目轉上插筋輸主之 癩疾發
如狂走者面皮厚敦敦不治虛則頭重洞泄淋瀝大小便
難腰尻重難起居長強主之 寒厥癩疾噤呵瘕癩驚狂
陽交主之 癩疾大瘦腦空主之 癩疾僵仆狂虛腕骨
及風池主之 癩疾狂瘕癩眩仆瘡不能言羊鳴沫出聽
宮主之 癩狂煩滿刺絲竹空 癩疾吐舌沫出羊鳴尻
頸天井主之天井在肘後 癩疾氣短嘔血胸背痛行間主之
痿厥癩疾洞泄然谷主之 癩狂互引天柱主之
右針灸癩疾內經但取手足太陽陽明太陰六經而已
今甲乙經等書又多取督經手足太陽足少陰厥陰蓋
隨症取之然學者當以內經為主也

醫學綱目卷上

主

診

靈骨癩疾者顛齒諸膾分肉皆滿而骨居汗出煩惋嘔多
沃沫氣下泄不治轉苦感切○骨居汗出 筋癩疾者身
倦攣急大刺項大經之大杼嘔多沃沫氣下泄不治 脉
癩疾者暴仆四肢之脉皆脹而縱脉滿盡刺之出血不滿
灸之挾項太陽灸帶脉于腰相去三寸諸分肉本輪嘔多
沃沫氣下泄不治 癩疾者疾發如狂者死不治 治癩
疾者嘗與之居察其所當取之處病至視之有過者瀉之
置其血於瓢壺之中至其發時血獨動矣不動灸窮骨二
十壯窮骨者慄骨也俱出癩疾篇
來疾去徐上實下虛為厥癩疾全文見治虛實法
素癩疾脉搏大滑久自已脉小堅急死不治通評虛實論 癩
疾脉虛則可治實則死同上
脉癩疾脉實堅者生脉沉細小者死此見與內經相反更詳之當以內經為正

風熱

子癇

雲萸根湯治妊娠臨月因發風症忽悶不識人吐逆眩
倒名曰子癇

葛根

貝母心去

牡丹皮

防風

當歸

川芎

白茯苓

桂心

澤瀉

甘草各二兩

獨活

石膏

人參各三兩

右咬咀以水九升煮取三升分溫二服貝母令人易產
未臨月升麻代之

丹治一婦人懷妊六月發癇手足揚直面紫黑色合眼涎
出昏瞶不省人事半時而醒醫與震靈丹五十餘貼其疾
時作時止無減症直至臨產方自愈產一女孳中子母皆
安次年其夫疑丹毒必作求治之診其脉浮取弦重取瀼

醫學綱目卷上

三三

按至骨則沉實帶數時正二月因未見其癇發正狀未敢
與藥意其舊年癇發時乃五月欲待其時度此疾必作當
審諦施治至五月半其疾果作皆是午巳兩時遂教以自
製防風通聖散用生甘草加桃仁多紅花少或服或吐至
四五劑疾漸疎而輕發為疥而愈

大治子癇用硝砂末酒調下二錢詳見胎前症

症 勞風 胎前症 產後症

大法補虛

症病者口噤角弓反張者是也

丹症大率與癇病相似比癇為虛宜帶補多是氣虛有火
兼痰宜服人參竹瀝之類不用兼風藥

無此症多由亡血筋無所營故邪得以襲之所以傷寒汗
下過多與夫病瘡人及產後致斯病者槩可見矣

丹一男子二十餘歲患痘瘡醫謝後忽患口噤不開四肢

強直不能屈時或遶臍腹痛一陣則冷汗如雨痛定則汗止時作時止其脉極弦緊而急如真弦狀向知此子極勤苦意其因勞倦傷血山居多風寒乘虛而感又因瘡瘡其血愈虛當用辛溫養血辛涼散風遂以當歸身芍藥為君川芎青皮釣藤為臣白朮陳皮甘草為佐桂枝木香黃連為使更加紅花少許煎十二貼而安

瀉神朮加羌活麻黃湯治剛瘧解利無汗神木方見傷寒太陰

白朮加桂心黃芪白朮湯治柔瘧解利有汗白朮方見傷寒太陽

太陽陽明加川芎 荆芥穗 正陽陽明加羌活 酒大

黃 少陽陽明加防風 柴胡根

熱而在表者加黃芩 寒而在表者加桂枝黃芪附子

熱而在裏者加大黃 寒而在裏者加乾薑良薑附子

已上數經寒熱當以脉別之

大醫學綱目卷十一

五

表症屬太陽

防風當歸散

防風

當歸

川芎

地黃各一兩

右剉每服一兩水三盞煎至二盞溫服

狃活人治瘧法並見後表裏陰陽條 太陽病發熱無汗

而反惡寒者名曰剛瘧 太陽病發熱汗出而不惡寒者

名曰柔瘧

狃葛根湯治太陽無汗而小便反少氣上衝胸口噤不得

語欲作剛瘧葛根湯主之方見傷寒

若發熱無汗反惡寒者名曰剛瘧宜麻黃加獨活防風湯

麻黃去節

桂枝各一兩

芍藥三兩

甘草半兩

獨活

防風各一兩

右剉細每服一兩水二鍾煎至一鍾半溫服

狃瓜蒌桂枝湯太陽病其症備身體強几几然脉反沉遲

此為柔瘧

海藏治有汗而為柔瘧

瓜蒌根

二兩

桂枝

二兩

甘草

二兩

生薑

三兩

大棗

十二枚

芍藥

二兩

右六味以水九升煮取三升分溫三服取微汗汗不出食頃啜粥發之

海若發熱自汗而不惡寒者名曰柔瘧宜桂枝加川芎防風湯

桂枝

芍藥

生薑

各一兩半

甘草

防風

川芎

各一兩

大棗

六枚

右剉細每服一兩水三盞煎至一盞半去渣溫服

凡剛柔二瘧並可與小續命湯方見中風門但去直入生薑桂枝

湯加減法 若柔瘧自汗者去麻黃夏間及病有熱者減

桂枝一半冬及初春去黃芩

醫學綱目卷二

三五

壬續命湯治卒中半身不遂手足拘急不得屈伸身體冷或智或癡或身強直不語或生或死狂言不可名狀角弓反張或欲得食或不用食大小便不利皆療之

人參

桂心

當歸

獨活

黃芩

乾薑炮

甘草

炙各七錢半

石膏

一兩半

杏仁

四十枚

右九味咬咀以水九升煮取三升分溫三服日二服取汗無汗者加麻黃

裏證陽明

仲剛症為病胃滿口噤臥不着席脚攣急必齧齒可與大承氣

承氣

方見傷寒

子和呂君王之妻年三十餘病風搐目眩角弓反張數日不食諸醫皆作驚風暗風風痼治之以天南星雄黃天麻烏附用之殊無少效戴人曰諸風掉眩皆屬肝木曲直搖

半表半陽

動風之用也陽主動陰主靜由火盛制金金衰不能平木肝木茂而自病因漏風涎二三升次以寒劑下十餘行又以排針刺百會穴出血一盃立愈

潮若汗後不解乍靜乍躁目直視口噤往來寒熱脉弦者少陽風痙宜柴胡加防風湯

柴胡一兩 人參錢五 半夏製六錢 黃芩錢五

生薑兩 甘草各六錢半 防風兩 棗三箇

太陽陽明合病

右剉每服一兩水三盞煮至一盞半去查温服若發汗過多發熱頭面搖卒口噤背反張者太陽蕪陽明也宜去風養血防風當歸散主之方見本門大法條

傷分陰陽

陽痙並見表裏條仲景雖曰痙皆身熱足寒然屬陽不厥

汗陰痙無汗

百一治中風身直不得屈伸反覆者取槐皮黃白者切之以酒或水六升煮取二升去查服

醫學綱目卷十一

三六

予倉公當歸湯治賊風口噤角弓反張痙方

當歸錢各七 獨活兩 附子一枚

細辛兩 麻黃一兩二錢半

右咬咀以酒五升水三升煮取三升服一升口不開者格口納湯一服當蘇二服小汗三服大汗

活八物白朮散治陰痙一二日面腫手足厥冷筋脉拘急汗不出恐陰氣內傷

白朮 茯苓 五味子各半兩 桂心三分

麻黃兩半 良薑一分 羌活兩半 附子三分

右為末每服四錢水一大盞生姜五片同煎至五分去查温服無時

潮若發熱脉沉而細者附太陰也必腹痛宜桂枝加芍藥

防風防已湯 又宜小續命湯

桂枝半兩

防風

防已各一兩

芍藥二兩

生薑一兩

大棗六枚

右剉每服一兩水三盞煎至一盞半去渣溫服

汗陰羸有

活附子散陰瘧手足厥逆筋脉拘急汗出不止頭項強直

頭掣口噤

桂心錢三

附子一兩

白朮一兩

川芎錢三

獨活半兩

石為末每服三錢水一鍾棗一枚煎至五分溫服

桂心白朮湯治陰瘧手足厥冷筋脉拘急汗出不止

白朮

防風

甘草

桂心

川芎

附子

石為末每服五錢水二鍾生薑五片棗二枚同煎至七

不醫學綱目卷一

三

分去渣溫服

附子防風散治陰瘧閉目合面手足厥逆筋脉拘急汗出

不止

白芷一兩

防風

甘草各三分

桂心半兩

附子三分

乾薑三分

柴胡一兩

茯苓三分

五味子一兩

右為末每服三錢水二盞生薑四片同煎去渣溫服

痲發汗太多因致瘧身熱足寒項強惡寒頭熱而腫目赤

頭掣口噤背反張者太陽瘧也 若頭低視下手足牽引

肘膝相構陽明瘧也 若一目或左右邪視并一手一足

搖擲者少陽瘧也汗之止之和之下之各隨其經可使必

已

右太陽瘧屬表無汗宜汗之有汗宜止之陽明瘧屬裡

麻府

宜下之少陽瘧屬半表半裏宜和之所謂各隨其經也
丹盧婦人因怒手足強直十指如束左脉弦虛右脉弦大
而強稍堅此風木攻脾土宜速瀉肝氣助肺金補脾土之
陰

黃連二 天南星 白朮 人參

黃芩 天麻 川芎 木通

陳皮 青皮各半 甘草一分

作一貼煎取一盞入薑汁令辣再沸執服

肺移熱於腎傳為柔瘧全文見診病傳變

運氣

運氣瘧有三 一曰風經云厥陰在臬客勝則大關節不
利內為瘧強拘急外為不便又云諸暴強直皆屬於風是
也 二曰濕經云諸瘧項強皆屬於濕王註謂陽內鬱而
陽行於外是也 三曰寒包熱經云火太過曰赫羲赫羲

大醫學綱目卷上 二

雜方

之紀上羽與正徵同其病瘧蓋司天之寒束火於中亦陰
陽內鬱陰行於外之意也

匿治角弓反張胞衣瓶內水鷲毛挑入患人口唇即愈

開治中風身體強直不得屈伸反覆栝樹皮細切一升

以酒二升浸一宿每日溫酒服半升酒盡再作栝實即栝櫟樹去風

濕除

手治口噤手足不隨而身體強直伏龍肝五升以水七升

和攪取汁飲之

診

仰病者身熱足寒頸項強急惡寒時頭熱面赤目赤獨頭

動搖卒口噤背反張者瘧病也活人書云外症發熱惡寒與傷寒相似但其脈沉遲

夜細而項背反張為異耳 太陽病發汗太多因致瘧 夫風病下之

則瘧復發汗必拘急 夫瘧脉按之緊如弦直上下行

脈瘧家其脉伏堅直上下行

無凡瘧脈皆伏沉弦緊

仲太陽病發熱脈沉而細者名曰瘧為難治 瘧病有灸

瘧難治即破傷風之類 瘧病若發其汗者寒濕相搏其表益虛

即惡寒 瘧病發其汗已其脈泠泠如蛇暴腹脹大者為

欲解脈如故又伏弦者瘧

針灸

靈風瘧身及折先取足太陽及膈中及血絡出血中有寒

取三里熱病篇

素太陽所謂強上引背者陽氣木上而爭故強上也脈解篇

腎脈為病脊強及折骨空論

足少陰之筋循脊內挾脊上至項其病主痛瘓及瘧在外

者不能俛在內者不能仰故陽病者腰反折不能俛陰病

者不能仰治在燔針

甲風瘧身及折先取太陽及膈中及血絡出血 瘧中有

入醫學編卷二

三九

寒取三里 瘧取之陰驕及三毛上及血絡出血 瘧取

顛會及百會又膈輪上關光明主之 瘧目不瞬刺腦戶

瘧脊強及折瘓癱疾頭重五樞主之 瘧互引善驚

天衝主之 瘧又折心痛形氣短尻腫瀉小便黃閉長強

主之 瘧筋痛急互引肝輪主之 熱淫脾輪及腎輪主

之 瘧口噤互相引口乾小便赤黃或時不禁承漿主之

瘧驚互引脚如結喘如裂束骨主之 瘧反折互引腹

脹掖擊背中怏怏引脇痛內引心中膂內肺輪主之 又

刺陽明從項而數背椎俠脊脊而痛按之應手者刺之尺

澤三疔立已

勞風即瘧之偏

虛邪

四云瘧比癰為虛蓋因勞汗遇風內挾太陽寒濕之邪治亦與瘧同法但當視其所勞則知虛在何處如房勞則腎

表

虛汗出腠理開風入皮腠得寒則閉風不能出與水俱行其人當目下腫如臥蚕之狀戴人云腎主水其經至于目下故也不禁房室則死明其虛在腎也所以關於太陽何也太陽主寒其經最在外腠理得寒則閉故太陽先受邪也治宜八物白朮散倉倉當歸湯見前河間芎枳丸方未皂角化痰丸方見咳歌條

胎前症

此病多由風寒濕乘虛而感皆從太陽經治之活獨活防風湯 治瘧太陽有汗

桂枝兩一

芍藥兩三

甘草兩半

獨活

右剉細每服一兩水二鍾煎至一鍾溫服

防風湯葛根 治瘧太陽無汗

醫學綱目卷十二

三一

葛根兩四

麻黃兩三

芍藥

防風各二兩

桂枝兩一

右剉細每用一兩先煮麻黃去上沫入後藥同煎數沸溫服

產後症

竹瀝湯 治產中風口噤面青手足急強用竹瀝一升分為五服微溫頻服大效

此症因虛遇風挾痰而作宜服人參竹瀝之類

虛痰

產問曰產後汗出多而變瘧者何答曰產後血虛腠理不密因遇風邪搏之故變瘧也宜速幹口灌小續命湯稍緩

解表

即汗出如雨手拭不及不可救也小續命方見前

舉鄉古拜散 治新產血虛瘧者荆芥穗不以多少瓦上

微炒為末大葶黃卷熱酒沃之去黃卷取汁調四五錢和

查飲之其效如神

王大莖紫湯 治產後中風形如角弓反張口噤涎潮黑
豈半升炒令焦黑烟起以無灰酒二升沃之入磁器中每
用一盞入獨活五錢同煎至六七分去滓溫服

按續命已下三方太陽厥陰藥也邪實脈浮弦有力者
固宜但產後血氣大虛之人不宜輕發其表但用防風
當歸散治之為妙

血虛

海防風當歸散 方見前
症條

破傷風

瘰癧

顛振

產後瘰癧

大法

破傷風者因瘡熱甚鬱結而榮衛不得宣通怫熱因之遍
體故多白痂是時瘡口閉塞氣難宣通故熱甚而生風也
先辨瘡口平無汁者中風也邊自出黃水者中水也並欲
作瘞急治之又痛不在瘡處者傷經絡亦死症也初覺瘡

不醫學綱目卷二

三

腫起白痂身寒熱急用玉真散貼之傷在頭面急嚼杏仁
和雄黃白麩傅瘡上腫漸消為度若腰脊反張四肢強直
牙關口噤通身冷不知人急用蜈蚣研細末擦牙吐出涎
沫立甦亦宜按摩導引

河破傷風風熱躁甚怫鬱在表而裏氣尚平者善伸數欠
筋脉拘急或時惡寒或筋惕而搐脉浮數而弦也宜以辛
熱治風之藥開衝結滯而愈猶傷寒表熱怫鬱而以麻黃
湯辛熱發散也凡用辛熱開衝風熱結滯宜以寒藥佐之
則良免致藥中病而風熱轉甚也如治傷寒發熱用麻黃
桂枝加黃芩石膏知母之類是也若止以甘草滑石葱豉
寒藥發散甚妙若表不已漸傳入裏裏又未太甚而脉弦
小者宜以退風熱開結滯之寒藥調之或微加治風辛熱
亦得猶傷寒在半表半裡而以小柴胡和解之也若裏勢

已甚而舌強口噤項背反張驚惕搐搦涎吐稠粘胸膈滿塞便溺秘結或時汗出脉沉洪數而弦也然汗出者由風熱鬱甚于裏而表熱稍罷則腠理疎泄而心火熱甚故汗出也法宜除風散結寒藥下之後以退風熱開結滯之寒藥調之則熱退結散而風自愈矣

昔後搖者羌活獨活防風甘草向前搖者升麻白芷獨活防風甘草兩傍搖者柴胡防風甘草右搖加滑石

解表 河玉真散

南星 防風各等

右為末生姜汁酒調服傷處以此貼之

羌活防風湯 治破傷風初邪傳在表

羌活 防風 川芎 藁本

當歸 芍藥 甘草 地榆

醫學綱目卷十一

細辛 兩各一

右咬咀每服五錢水二盞煎八分熱服熱則加黃芩一兩大便秘加大黃一兩

防風湯 見前風條

蜈蚣散

蜈蚣 對 魚鱉 五錢 炒 左蟠龍 半兩 炒 燭盡

右為細末用防風湯調服

實表 白朮防風湯若服前藥已過臧府和有自汗者宜服此藥

白朮 防風 黃芪 各一兩

右咬咀每服七錢水二盞煎至一盞去滓溫服

攻裏 大芩黃湯臟腑秘小便赤自汗不止者宜速下之

川芎 兩 黃芩 六錢 甘草 兩 大黃 兩

右咬咀每服五錢水一盞半煎至一盞去滓溫服以利

為度

江鯽丸 治破傷風驚而發搐厥府秘澁知病在裏

江鯽半兩 野鴿糞半兩 雄黃一錢 蜈蚣一對

天麻兩 白殭蚕半兩

右為細末分作三分先用二分燒飯為丸如桐子大硃砂為衣又用一分入巴莖霜一錢同和亦以燒飯為丸不用硃砂為衣每服硃砂為衣丸藥二十九入巴莖霜丸藥一丸次服二丸漸加至利為度再服硃砂為衣丸藥病愈止

和解毒活湯 利後宜服搐瘥不已亦宜服

羌活 獨活 地榆各一兩

每服五錢水一盞半煎至一盞去滓溫服如有熱加黃

芩有痰加半夏

醫學綱目卷二

三

地榆防風散 治半表半裏頭微汗身無汗

地榆 防風 地丁香 馬齒莧各一兩

右為細末每服三錢溫米飲調下

虛 養血當歸地黃散日久氣血漸虛邪氣入胃宜養血四物

湯加防風藁本白芷細辛各等分為細末每用五錢水一

盞半煎至一盞溫服

瘕瘕

病筋脉相引而急名曰瘕瘕俗謂之搐是也

風火 河諸熱瘕瘕皆屬于火熱勝風搏併于經絡風主動而不

寧風火相乘是以熱瘕瘕生矣治法祛風滌熱之劑折其

火熱瘕瘕可立愈若妄加灼艾或飲以發表之劑則死不

旋腫矣

診治

素問云心脉急甚者為瘕瘕此心火虛寒也治宜補心牛

黃散主之靈樞云心脉滿大癩瘕筋攣此心火實熱也治宜瀉心火涼驚丸主之肝脉小急亦癩瘕筋攣此肝虛也續斷丸主之若肝脉盛者先救脾宜加減建中湯素問云脾脉急甚者亦為瘕瘕此脾虛肝乘之而瘕也故宜實土瀉肝木之劑

虛實汗多不止為虛無汗能食為實

脾胃 垣人參益氣湯 治熱傷元氣四肢困倦手指麻木時時

瘕瘕

黃芪二錢

甘草炙

升麻各五分

五味子三十粒

柴胡六分

生甘草五分

人參二錢

炙甘草五分

白芍藥半

右咬咀作一服水二盞煎至一盞去查熱服

獨活湯 治風虛昏瞶不自覺知手足痠痠或為寒熱血

醫學綱目卷一

三十五

虛不能服發汗藥及中風自汗尤宜服之

獨活

羌活

人參

防風

當歸

細辛

茯苓

遠志

半夏

桂心

白朮

菖蒲

川芎各五分

甘草二錢半

每服一兩水二盞生姜五片煎八分食後溫服

胃風湯 治虛風症能食麻木牙關緊急手足痠痠目肉

蠕動胃中有風面腫

白芷二錢

升麻二錢

葛根一錢

蒼朮一錢

甘草五分

柴胡

藁本

羌活

黃柏

草薺各五分

麻黃半錢去節

蔓荊子一錢

當歸身一錢

右咬咀水二鍾姜三片棗二枚煎至一鍾溫服

腎

千薯黃丸 治虛勞不足風氣百疾頭目眩冒驚悸狂癲

薯蕷八分 當歸分 桂心七分 神麴炒

熟地各十分 甘草二十分 人參分 芎藭五分

芍藥 白朮 麥門冬 杏仁各六分

柴胡 桔梗 茯苓各五分 鹿角膠七分

乾姜三分 白朮分 防風六分 大棗一百枚
為膏

黃芩六分 大芫黃卷七分

右二十二味末之和棗膏煉蜜丸如彈子大空腹酒服

一九日三服

肝

續斷丸 治肝勞虛寒脇痛脹滿眼昏不食攣縮瘕瘕

續斷酒 川芎 當歸酒 半夏湯泡

橘紅 乾姜炮各兩 桂心 甘草炙各兩

右為細末蜜丸如桐子大每服百丸白滾湯下

醫學綱目卷十一

五

心

牛黃散 治心虛風筋脉攣搐神昏語澀

牛黃 龍腦各一錢 麝香各一錢

蟬蛻 烏蛇肉一兩酒浸 全蝎炒 殭蚕炒

桑螵蛸 羚羊角 阿膠炒 天麻

防風 甘菊花 蔓荊子 桂心

細辛 側子炮去皮 獨活去芦各半兩 犀角兩半

麻黃七錢半

右為細末和勻再研每服一錢豈淋酒下

續命棗散 治風氣留滯心中昏憤四肢無力口眼嚙動

或時搐搦或渴或自汗

防風 獨活 當歸 人參

細辛 葛根 芍藥 川芎

甘草 熟地 遠志 荊芥

半夏各五錢 官桂七錢半

每服一兩水二盞生薑三片煎至八分去渣通口服汗多者加牡蠣粉一錢半

風熱獨活散 消風化痰

細辛 石膏研 甘草炙各半兩 防風

葉本 旋覆花 川芎 蔓荊子

獨活略一兩

右為細末每服三錢姜三片水一大盞煎七分食後服

運氣運氣瘰癧有二

其一曰火經曰火鬱之發民病嘔逆瘰癧又曰少陽所至為暴注暍瘰又曰少陽司天客勝則為瘰癧是也

其二曰水經曰陽明司天燥氣下臨木氣上從民病脇痛目赤掉振鼓慄又曰歲土太過雨濕流行民病足痿不收

醫學綱目卷十一

五

針灸

行善瘕又曰太陰之復頭頂痛重而掉瘕尤甚是也

甲卒心中痛瘕瘕互相引肘內廉痛心熬熬然問使主之熱病先手臂身熱瘕瘕唇口聚臯張目下汗出如轉珠

兩乳下二寸堅脇滿悸列缺主之 振寒瘕瘕手不伸欬

嗽唾濁氣膈善嘔尺澤主之 大風嘿嘿不知所痛嗜臥

善驚瘕瘕天井主之 頭重鼻衄及瘕瘕至陰主之 身

熱狂走譫語見鬼瘕瘕身柱主之

子腹滿瘕瘕心痛氣滿不得息巨闕主之 嘔血時瘕善

搖頭顏青汗出不過肩傷寒溫病曲澤主之

顛振

顛振也振動也風火相乘動搖之象比之瘕瘕其勢為緩內經云諸風掉眩皆屬於肝掉即顛振之謂也又曰諸禁鼓慄如喪神守皆屬於熱鼓慄亦動搖之意也此症多由

風熱相合亦有風寒所中者亦有風挾濕痰者治各不同也
常見此症多於傷寒熱病疾中兼見者多是熱甚而
然虛亦有之皆戰慄振動輕利而不痿弱比之中風雖
曳牽動重遲者微有不同

風濕

星附散

治中風雖能言口不喎斜手足躄曳者

天南星

半夏已上俱用姜制人參

黑附子去皮

白附子

茯苓

川烏去皮

殭蠶

沒藥各等分

右咬咀每服五錢水酒各一盞煎八分熱服并進得汗

為度

風熱

獨活散

見前癩瘵條

寒

千金牙酒

療積年八風五疰舉身躄曳行步跛躓不能

收持

金牙

碎如米粒用
小絹袋盛

地膚子

無子用莖葉一
方用蛇床子

大醫學綱目卷二

三一

熟地

胡蘿蔔

附子

防風

細辛

莽草各四

川椒合

羌活斤

一方用獨活

右十味咬咀盛以絹袋用酒四斗於磁器中漬封固勿

令泄氣春夏三四宿秋冬六七宿酒成去滓日服一合

常令酒氣相接不盡一劑病無不愈

產後瘕瘕

產後因虛傷風瘕瘕同傷表症未傳入裏宜服防風湯

門風

愈風湯

治產後中風口噤瘕瘕亦治血暈四肢強直用

荆芥略炒為末每服三錢豆淋酒下

增損柴胡湯 治產後感異症手足牽搐涎潮昏悶

熱

柴胡

黃芩二錢

人參半錢

甘草錢半

石膏二錢

知母一錢

黃芪二錢

半夏一錢

右咬咀分二服水二盞姜三片棗二枚煎八分不拘時服

服

秦艽湯前症已去次服此藥去其風邪

秦艽

芍藥

柴胡各一錢

甘草一分

黃芩

防風各一分

人參半夏各一分

右咬咀分二貼每貼水二盞姜三片煎八分食遠服

癘風

經曰脉風成爲癘俗呼癘風是也

大法

丹云大風病是受得天地間殺物之風古人謂之癘風以其酷烈暴悍可畏爾人得之者須分在上在下夫在上者以醉仙散取臭惡血於齒縫中出在下者以通天再造散取惡物虵虫於穀道中出所出雖有上下道路之異然皆不外於陽明一經而已看其疙瘩上先見在上體多者病在上也下先見在下體多者病在下也上下同得者病在上復在下也陽明主胃與大腸無物不受此風之人人也氣受之在上多血受之在下多血氣俱受者上下皆多自非醫者有精神病者有鐵心罕有免者余曾治四五人中間惟一婦人得免以其貧甚無物可吃也孫真人曰吾嘗治四五百人終無一人免者非真人之不能治也第無一人能守禁忌耳

醫學綱目卷三

庚

能守禁忌耳
大法重者取積取汗

下劑

醉仙散

治大風疾遍身癢疹癢麻木

胡麻子

牛旁子

枸杞子

蔓荊子各一分

白蒺藜

苦參

瓜蒌根

防風各半

右爲細末每十五錢末入輕粉一錢拌勻每服一錢茶

調下晨午夕各一服後五七日先於牙縫內出臭黃涎
渾身疼痛骨悶如醉次後利下膿血惡臭氣根乃去
矣

四聖保命丹

大黃兩半 黃栢兩八 苦參 荆芥各四兩

右為末煉蜜和勻分作一百二十九每服一丸溫酒送
下食遠日三服忌肉醬一方用蝦蟆一箇燒灰

祛風散

大蚕沙五升先篩淨水淘三遍控乾 東行蝎虎一條培乾用白酒洗

右每服一二合熬栢葉湯調服食前日三服

通天再造散 治大風惡疾

鬱金錢半兩 大黃一兩 白牽牛六錢半生半炒

醫學綱目卷十一

皂角刺黑大者一兩

右為末每服五錢日未出時面東以無灰酒調下

汗刺愈風丹 治癩

皂角一斤去皮弦剉作四指許以無灰酒浸一宿漉出同新汲水一大碗揉作濃汁濾去渣以水熬膏 苦參四兩 土蝮蛇頭尾全用陰乾為末

右二味末以皂角膏丸如桐子大每服七十九空心用

防風通聖散煎成送下日二服服三日後入浴出汗
病重者不過一料病微者止用烏梢蛇不用土蝮

換肌散 治大風年深不愈至眉毛墮落鼻穿爛額顛
腫破服此速效

白花蛇三兩 烏蛇三兩酒浸一宿地龍三兩 當歸酒制

細辛 白芷各一兩 天麻 蔓荊子

葳靈仙 荆芥穗 甘菊花 苦參

紫參 沙參 木賊 不灰木

川芎 沙苑蒺藜 甘草炙 天門冬

赤芍藥 葛蒲九節 何首烏 胡麻炒

草烏頭各三兩 蒼木三兩 木鼈子去殼 定風草三兩

右同為細末每服五錢匕食後酒調服酒多為妙

緩劑 輕者踈風和血以二聖散治之二聖散方

大黃兩半 皁角刺三錢

右將皁角刺一二箇燒灰研細用大黃半兩煎湯調下

二錢早服樺皮散中以升麻湯下瀉青丸晚服二聖散

此為錄治

栢葉湯用東南枝上栢葉一秤水一桶水三沸去查瓮盛

起旋熬蚕沙調服初服苦澁三五日後甜十日四肢沉重

便赤曰痢一月後發出瘡疔瘡破用烏龍散搽之

醫學綱目卷十

平

烏龍尾即包懸 烏鷄子皮煨

二味為末用栢油調搽於破瘡上

樺皮散 治肺癰風毒遍身癢疹瘡痒

荆芥穗二兩 枳殼 樺皮各四兩 甘草炙半兩

杏仁二兩 減去皮尖用水一碗 煎出冷乾另研

右為末每服二錢食後溫酒調下

凌霄散 治癘風神效

蟬殼 地龍炒 殭蚕 全蝎各七箇

凌霄花兩半

右為末每服二錢熱酒調下無時於浴室中常蹲湯中

一時許服藥神效

祛風九 治疥癩經曰脉風成為癩也

黃芪 枳殼 防風 芍藥

甘草

熟地

地骨皮

枸杞子

生地

右九味木杵相為細末煉蜜丸如桐子大白湯下五十

丸

洗藥 如聖散

蔓荊子

苦參

玄參

厚朴

荊芥

紫參

陳皮

沙參

麻黃去節

防風

白芷

葳靈仙各二兩

右為細末每服五錢桃柳枝各一把水五升煎臨臥熱

洗忌五辛

東垣治

垣段庫使病癩風滿面連鬚極痒眉毛已脫落須用熱水沃之稍緩每晝夜須數次或硬刺亦緩先師曰風論中云夫癩者榮衛熱附其氣不清故使其鼻柱壞而色敗皮膚

醫學綱目卷十一

聖

癩潰風寒客于脉而不去名曰癩風治之者當刺其腫上以銳針刺其處按出其惡氣腫盡乃止常食如常食勿食他食如用藥當破血去熱升陽去癩瀉榮以辛冷散之其温升之行陽明經瀉心火補肺氣乃治之正也

補氣瀉榮湯

升麻

連翹各六分

蘇木

當歸

全蝎

黃連

地龍

黃芪各三分

黃芩生四分

甘草一分

人參二分

生地四分

桃仁三分

桔梗五分

麝香少許

胡桐淚一分

水蛭炒令烟

蠶虫炒去足微

右剉如麻豆大除連翹另剉胡桐淚研白芷薤二分為細末二味另放麝香蠶虫水蛭三味為末另放外都作一服水二大盞酒一匙入連翹煎至一盞六分再入白

荳蔻二味并麝香等三味再上火煎一二沸去查稍熱
早飯後午飲前服忌酒濕麪生冷硬物

針灸經大風刺其肌肉故汗出百日刺骨髓汗出百日凡二百
日髮屑生而止針

承漿一穴在頤前唇下宛宛中足陽明任脉之會療偏風
口疳面腫口齒疳蝕虫瘡灸亦佳日灸七壯至七七壯灸
則血脉通宣其風應時立愈

醫學綱目卷之十一

八醫學綱目卷之十一

聖

俱血相融宜其風氣解立愈

口疳面腫口齒疳蝕虫瘡灸亦佳日灸七壯至七七壯灸
承漿一穴在頤前唇下宛宛中足陽明任脉之會療偏風
日灸七壯至七七壯

灸灸
早飯後午飲前服忌酒濕麪生冷硬物
荳蔻二味并麝香等三味再上火煎一二沸去查稍熱

杭州圖書館